

---

# COUNTY MOCK EXAMS-STD 8 2016

## KISWAHILI PAPER

Coordinated by KENPRO,  
Macjo Arcade, 4th Floor, Suite 15E,  
Off Magadi Road, Ongata Rongai |Tel: +254202319748 |  
E-mail:infosnkenya@gmail.com | Website:[www.schoolsnetkenya.com](http://www.schoolsnetkenya.com)

# SIAYA COUNTY MOCK

## DARASA LA NANE - MWAKA 2016

Muda: Saa 1 Dakika 40

### **SEHEMU YA KWANZA:** **KISWAHILI: LUGHA**

#### SOMA KWA MAKINI MAAGIZO YAFUATAYO

1. Umepewa kijitabu hiki cha maswali na karatasi ya kujibin. Kijitabu hiki kina Maswali 50.
2. Ikiwa utataka kuandika chochote ambacho si jibu andika katika kijitabu hiki.
3. Ukisha chagua jibu lako lioneshe katika KARATASI YA MAJIBU na wala sio katika kijitabu hiki cha maswali.

#### JINSI YA KUTUMIA KARATASI YA MAJIBU

4. Tumia penseli ya kawaida.
5. Hakikisha ya kwamba yafuatayo yameandikwa katika karatasi ya majibu.

**NAMBA YAKO YA MTHANI**  
**JINA LAKO**  
**JINA LA SHULE YAKO**

6. Kwa kuchora kistari katika kisanduku zenye namba zinazokuhusu. Onyesha namba yako kamili ya mthani (yaani namba ya shule, na zile namba tatu za mtahiniwa) katika sehemu iliyotengwa mwanzo wa karatasi ya majibu.
7. Usitie alama zozote nje ya visanduku.
8. Iweke safi karatasi yako ya majibu na usiikunje.
9. Kila swali 1 - 50 umepewa majibu manne. Majibu hayo yameonyeshwa kwa Herufi A, B, C, D. Ni jibu MOJA tu kati ya hayo manne ambalo ni sahihi. Chagua jibu hilo.
10. Kwenye karatasi ya majibu, jibu sahihi lioneshe kwa kuchora kistari katika kisanduku chenye herufi uliyochagua kuwa ndilo jibu.

Kwa mfano:

#### Katika kijitabu cha maswali

- Tegua kutendawili:-
23. Kutoa ni kuongeza.
- A. Handaki
  - B. Shimo
  - C. Maji
  - D. Mavuno

Jibu sahihi ni B (Shimo)  
Katika karatasi ya majibu:

23. [A] [B] [C] [D] 24. [A] [B] [C] [D] 25. [A] [B] [C] [D] 26. [A] [B] [C] [D]

Katika visanduku vinavyoonyesha majibu ya swali namba 30, kisanduku chenye herufi C ndicho kilichochoywa kistari.

11. Chora kistari chako vizuri. Kistari chako kiwe cheusi na kisijitokeze nje ya kisanduku.
12. Kwa kila swali, chora kistari katika kisanduku kimoja tu kati ya visanduku vinne uliyopewa.

FUNGUA UKURASA



**Soma vifungu vifuatavyo. Vina nafasi 1 - 15 kwa kila nafasi umepewa majibu manne hapo. Chagua jibu tifaalo zaidi wa yale uliyopewa**

Safari \_\_\_\_\_ 1 \_\_\_\_\_ tulikuwa \_\_\_\_\_ 2 \_\_\_\_\_ safari ya mbali. Wanawake wali \_\_\_\_\_ 3 \_\_\_\_\_ mizigo kichwani na wanaumri wakai \_\_\_\_\_ 4 \_\_\_\_\_ mabegani. Watoto wadogo wali \_\_\_\_\_ 5 \_\_\_\_\_ migongoni.  
Safari yenyewe ilikuwa \_\_\_\_\_ 6 \_\_\_\_\_ sana. Tulitembea \_\_\_\_\_ 7 \_\_\_\_\_ miguu. Baada ya \_\_\_\_\_ 8 \_\_\_\_\_ mrefu tuliketi chini ya kivuli \_\_\_\_\_ 9 \_\_\_\_\_ mwanana ulituburudisha. Kina mama waliwa \_\_\_\_\_ 10 \_\_\_\_\_ watoto wao mapajani kuwanyonyesha. Nilikunywa maji kwa pupa \_\_\_\_\_ 11 \_\_\_\_\_. Nilikohoa mpaka machozi yakanitiririka.  
Kulikuwa na joto \_\_\_\_\_ 12 \_\_\_\_\_ na mizigo ilikuwa mzito kama \_\_\_\_\_ 13 \_\_\_\_\_. Tulichoka lakini \_\_\_\_\_ 14 \_\_\_\_\_ na bucu kuendelea \_\_\_\_\_ 15 \_\_\_\_\_ hicho kuliwavutia watu wengi.

- |                  |                |               |                |
|------------------|----------------|---------------|----------------|
| 1. A. moja       | B. mmoja       | C. kimoja     | D. mocha       |
| 2. A. tutaenda   | B. tulienda    | C. tunaenda   | D. tukienda    |
| 3. A. pepa       | B. twika       | C. eleka      | D. inua        |
| 4. A. pakata     | B. eleka       | C. angata     | D. twika       |
| 5. A. elekwa     | B. angata      | C. pakata     | D. twika       |
| 6. A. refu       | B. kirefu      | C. mrefu      | D. ndefu       |
| 7. A. za         | B. wa          | C. kwa        | D. na          |
| 8. A. safari     | B. mwendo      | C. njia       | D. kutembea    |
| 9. A. hewa       | B. vumbi       | C. baridi     | D. upepo       |
| 10. A. angata    | B. kamata      | C. pakata     | D. shika       |
| 11. A. nikakamwa | B. nikasakamwa | C. nikapaatwa | D. nikanyongwa |
| 12. A. jingi     | B. nyingi      | C. mingi      | D. mwingi      |
| 13. A. chumba    | B. mawe        | C. mizigo     | D. nanga       |
| 14. A. hatukua   | B. tulikuwa    | C. hatukuwa   | D. tunakuwa    |
| 15. A. chalo     | B. chama       | C. charo      | D. kikosi      |

**Kutoka swali la 16 mpaka 30, chagua jibu sahihi**

- |   |  |
|---|--|
| 16. Miaka mia ni kame ilhali ishirini ni kwa<br>A. kukuli B. korija C. mwongo D. lukuki   |  |
| 17. Ikiwa leo ni Jumamosi, Jumamosi itakuwa:<br>A. kisomba B. mtondo C. kitojo D. kitojotojo  |  |
| 18. "KI" imetumikaje katika sentensi?<br>Mwanafunzi huyo aki kuona atatembea ki jeshi.<br>A. masharti, namna B. wakati, nomino<br>C. wakati, namna D. masharti, nomino  |  |
| 19. Ni upi ukubwa na wingi wa sentensi ifuatayo?<br>Ng'ombe mkubwa limechinjwa<br>A. Gombe kubwa limechinjwa.<br>B. Jogombe jikubwa limechinjwa.<br>C. Magombe makubwa yatachinjwa<br>D. Majigombe makubwa yamechinjwa.   |  |
| 20. Kamau alienda kumfariji Chege baada ya maziko ya babaye. Alimwambia makiwa, je, Kamau alijibu:<br>A. tunayo B. yamepita C. asante D. nishapoa   |  |
| 21. Chagua usemi halisi ulio sahihi wa sentensi ifuatayo:<br>Zainabu alisema kwamba Ziwa Victoria mna viboko wanono.<br>A. "Ziwa Victoria mna viboko wanono," Zainabu alisema.<br>B. Zainabu alisema kwamba, "Ziwa Victoria mna viboko wanono."<br>C. "Alisema Zainabu, Ziwa Victoria mna viboko wanono."<br>D. "Zainabu," Mna viboko wanono Ziwa Victoria. |  |
| 22. Faini ni kwa haka na kuepua ni kwa _____<br>A. kukuka B. kusonga C. kuinjika D. kudeua  |  |
| 23. Chagua orodha ya nomino pekee.  |  |
| 24. Ni sentensi gani iliyo na maana ya:-<br>Amekuja akalakiwa?<br>A. Angalikuja angalilakiwa<br>B. Angekuja asingelakiwa<br>C. Asingekuja asingelakiwa<br>D. Asingelikuja asingelilakiwa  |  |
| 25. Mpira ulipigwa uwanjani. Nyambua katika hali ya kulendeka.<br>A. Mpira ulipigwa uwanjani<br>B. Mpira ulipigisha uwanjani.<br>C. Ulipigwa mpira uwanjani<br>D. Mpira ulipigika uwanjani  |  |
| 26. Matumizi ya 'kwa' ya pamoja ni:-<br>A. moja kwa mbili<br>B. kwa nini hukuja shuleni jana<br>C. vijana kwa wazee walifika bandarini<br>D. alienda ng'ambo kwa masomo zaidi   |  |
| 27. Radidisha nomino uliyopewa. <u>Maudhari</u> .<br>A. haya haya B. yaya haya<br>C. kile ile D. wawa hawa  |  |
| 28. Methali ipi iliyo sawa na ile umepewa?<br>Mgaga na upwa hali wali mkavu.<br>A. Bidii ni mali<br>B. Mchumia janga hula na wa kwao<br>C. Hamadi kibindoni<br>D. Dunia ni msufi mkavu  |  |



29. Taja jina la umbo hili:



- A. Nusuduara
- B. Kizio
- C. Kipenyo
- D. Tufe

30. Kifaa kipi hutumika wakati wa mchezo wa jigsaw?

- A. Upondo
- B. Mpira
- C. Kikapu
- D. Kamba

Soma taarifa ifuatavo kisha ujibu maswali kutoka 31-40

S.L.P. 20,  
SAUDIA,  
5/6/2000

Kwa mwanangu Zaina,

Pokea salamu nyingi kutoka kwangu. Baada ya salamu hizo, ningependa kukuarifu kwamba nimepata barua yako y tarehe 6 - 5 - 2000.

Nafurahi kusikia kuwa mmeanza masomo yenu ya kidato cha kwanza. Natumaini utacndelea kusoma kwa bidii kam mwaka jana ulipokuwa darasa la nane. Kumbuka ya kuwa inakubidi utie bidii sana katika masomo yako. Kutii sheria zote za shule na kutangamana vyema na wanafunzi wenzako. Bila shaka wayafahamu haya, maana wewe si mtoto mdogo tena Kwani unaweza kupambanua jema na baya. Lakini inafaa wanadamu kukumbushana.

Katika barua yako unemung'unika kuwa chakula hakiivi sawa sawa. Hapo sikubaliani nawe sababu kuwa kila siku mnakula chakula aina moja. Nafikiri unatia chumvi. Kule kutoiva kwa chakula mara kwa mara si jambo lisilokuwa la kawaida. Hata huku nyumbani, mara nyingi kikipikwa kabisa ama kukosa chumvi ama viungo. Sina mengi zaidi ya hayo Hivi karibuni utapokea pesa kupitia kwa mwalimu wako wa darasa. Nitamtumia kwa njia ya M-pesa. Zitakusaidia kwa masurufu yako.

Pokea salamu kutoka kwa mama yako Sauda na ndugu zako Neema na Baraka. Usikose kutuandikia barua mara kwa mara au kutupigia simu kutujuiisha hali yako.

Mpenzi baba yako,

Mwinyi Mumunye.

31. Baba glinwandikia mwanawe barua muhula gani?  
A. Wa kwanza                      B. Wa tatu  
C. Hawajasema                      D. Wa pili
32. Mtoto aliyepokea barua na babake  
A. alikuwa ampecheza na masomo katika darasa la nane  
B. hakujitahidi sana katika darasa la nane  
C. alikuwa amefanya vibaya katika mtihani wake  
D. alikuwa amepasi mtihani wake wa darasa la nane
33. Zaina amelalamika kuwa chakula cha shule:  
A. wakati mwingine hakiivi  
B. wakati wote hakiivi  
C. hakina viungo  
D. hakiliki
34. Neno bidii lina maana sawa na juhudi. neno jingine lenye maana sawa na sheria?  
A. Kanuni  
B. Mwenepele  
C. Kawaida  
D. Desturi
35. Babake Zaina \_\_\_\_\_  
A. anakubaliana na malalamishi ya mwanawe  
B. anamsuta mwanawe kwa tabia ya miamung'uniko  
C. anasadiki kuwa mwanawe hana adabu na bidii  
D. anaonelea mwanawe hatii sheria za shule
36. Ni maelezo yapi ambayo si sahihi?  
A. Mumunye anafika mkazo kuwa kusoma ni muhimu  
B. Baba anahimiza mwanawe kuwa na adabu daima  
C. Baba anamkumbusha mwanawe awe na bidii  
D. Mwinyi anamshauri mwanawe awepelele wanafunzi pekee
37. Katika barua hii, tunaona chakula kinachopikwa nyumbani:  
A. kinapikwa ovyoovyo  
B. kawaida hakiongezwi chumvi  
C. hakitofautiani sana na cha shuleni  
D. hakina viungo na hukosa lacha
38. Kifaa kipi hutuma pesa kwa njia ya M-pesa?  
A. Redjo                                      B. Rukono  
C. Pataniga                                      D. Ngamizi
39. Pesa ambazo Zaina atatumia ni za kazi gani?  
A. Karo    B. Nauli  
C. Matumizi                                      D. Chakula
40. Methali gani kati ya hizi inatoa ufafanuzi wa waraka huu?  
A. Mcheza kwao hutuzwa  
B. Aliye juu mngojee chini  
C. Akili nyingi huondoa maarifa  
D. Mtaka cha mvunguni sharti ainame

SIAYA MOCK EXAM



**Soma taarifa ifuatayo kisha ujibu maswali kutoka 41-50**

Watu zaidi ya kumi walipoteza maisha yao barabarani katika eneo la Salгаа kwenye barabara ya Nakuru-Eldoret. Eneo hili mara nyingi huwa na ukungu na hata utelezi barabarani. Salгаа huwa panakumbukwa kwa mkasa wa miaka zaidi ya miwili iliyopita ambapo zaidi ya watu mia moja walichomeka wakijaribu kuchota mafuta.

Lori la kubeba mafuta lilipinduka mahali hapo na yamkini **wakazi** waliiona kama njia rahisi ya kupata mafuta kutumia au hata kuuza. Cha msingi ni kuwa Salгаа ni eneo hatari ambalo madereva wanapaswa kuwa waangali wanapokaribia.

Ajali hiyo ilihusisha matatu na basi **imejiri** wakati serikali inapoendelea kutekeleza sheria ya trafiki iliyofanywa marekebisha. Ingawa hapo awali waamiliki wa magari ya usafiri wa umma walipinga. Sheria hizo zilizoanza kutumika rasmi Disemba mosi, ni dhahiri kuwa zinahitajika mno ili kukabiliana na vifo zaidi vya wananchi.

Isitoshе kumekuwa na kampeni nyingi za kuhamasisha watu kuhusu umuhimu wa usalama barabarani. Idara ya trafiki ilitonyesha kuwa tulifanya vyema na kudhibiti ajali hizo kiwango kikubwa.

Lakini inaonekana wapo madereva wachache wazembe wanaendelea kuendesha magari kwa kasi bila kujali maisha na usalama wa abiria wanaowabeba. Tunawahimiza wenye matatu na mabasi na hata madereva na abiria watambue kwamba kila mmoja ana wajibu wa kuzuia ajali.

Wakati huu kila mtu anatakiwa kuwa mwangalifu. Waswalihili husema 'kawia ufike.' Si lazima mtu ajifinyilie katikari linaloendeshwa kwa kasi isiyoweza kudhibitiwa wakati chochote kinapotokea.

Maafisa wa trafiki nao wanapaswa 'kuzidisha doria' kwenye barabara na kuwafikisha mahakamani mara moja watakaopatikana wakivunja sheria. Vifo hivi vya kiholela sharti vizuiwe.

41. Watu zaidi ya kumi walipoteza maisha yao barabarani, kwa hivyo:-  
A. walipiga ndoo teke      B. walikata amri  
C. walikata kauli          D. walisafiri ahera
42. Ukungu ni:  
A. moshi mweupe uliosababisha kutoona vizuri  
B. moshi mweusi unaoleta madhara  
C. vumbi jingi linalokesha madereva kuona  
D. kali ya barabara kuwa telezi
43. Mkasa uliosababisha watu kuchomeka ulihusisha:  
A. watu kuuza mafuta  
B. watu kuchota mafuta kisha wakachomeka  
C. watu kufa baada ya lori kupinduka  
D. watu kufurahia kuchota mafuta
44. Neno wakazi kama lilivyotumika lina maana:  
A. watu wanaofanya kazi  
B. watu wanaofanya mambo kwa haraka  
C. wageni wa mahali fulani  
D. watu wanaoishi mahali fulani
45. Mambo yanayohusu magari ya umma na usafiri yapo chini ya wizara gani?  
A. Wizara ya maji  
B. Wizara ya Ardhi, Nyumba na Ustawishaji wa maeneo ya Miji  
C. Wizara ya Usafiri na Mfundomsingi  
D. Wizara ya ulinzi
46. Kwenye kufungu, kampeni zilizofanywa ni za:  
A. kueleza watu umuhimu usalama barabarani  
B. eneo la hatari Salгаа  
C. wamiliki wa magari ya umma  
D. ajali iliyohusisha watu kumi walioaga dunia
47. Kulingana na mwandishi iwapo gari limejaa kama abiria unapaswa kufanya nini  
A. panda gali lile chelewa utapata mwana si wako  
B. subiri jingine, subira huvuta heri  
C. msukume mwenzako na utahadhari kabla ya hatari  
D. panda gari lile mradi uyajali maisha yako
48. Madereva wamehimizwa waendeshe magari kwa kasi wanayoweza kudhibiti la siyyo yote haya yanaweza kutokea ila:  
A. vifo vya wasafiri  
B. gari kupoteza mwelekeo  
C. kupigana dafrao na gari jingine  
D. abiria kumwona dereva kuwa bingwa kwa kuendesha kasi
49. Tuisi wamehimizwa 'kuzidisha doria.' Huku ni kusema nini?  
A. Kuwa waangalifu zaidi  
B. Kuwakamata madereva zaidi  
C. Kuwafikisha watu wengi zaidi mahakamani  
D. Kuweka vidhibiti mwendo zaidi
50. Mada ifaayo zaidi makala haya ni:  
A. Usalama barabarani  
B. uvunjaji sheria barabarani  
C. Ajali barabarani  
D. Kutekeleza sheria barabarani